



**Claudii Fleurii Abbatis Historia Ecclesiastica**

Ab Anno Christi 1248. Usque Ad Annum 1276

**Fleury, Claude**

**August. Vind. [u.a.], 1765**

**VD18 90118243**

§.7. Molitio contra Tunetum.

---

[urn:nbn:de:hbz:466:1-66255](#)

Sæcul. XIII.  
A.C. 1270.

§. VII.

*Molitio contra Tunetum.*

In Calaris portum convenit classis sacrorum pugilum, quorum præcipui post Regem S. Ludovicum erant gener ejus Rex Navarræ, Comes Pictavienis frater illius, Comes Flandriæ, ac Joannes Britanniae Comitis filius natu major. Die sabbati 12 Julii Legatus & Barones congregabantur ad Regem, ut inirent consilium, audirentque, ubi ethnicos impugnarent. Plurimi censebant recta Palæstinam vel Ægyptum petendam esse. At Rex se cogitare primum ire Tunetum dixit: quod inopinatum fuit assidentibus Regis rationes erant, prima quidem Regem Tunetanum Christo adjungendi spes in facta, ut vidimus, invitatione nitens; altera desiderium Christianæ fidei revocandæ in illam Africæ oram, in qua olim hæc adeo floruissebat. Itaque S. Ludovicus reputabat, si numerosus iste, quem duceret, exercitus Tunetanam subito in oram exscenderet, hanc optimam, quam ejus Rex nancisci posset, occasionem fore accipiendi baptismum sub obtentu servandæ vitæ suæ ac illorum, qui Christiani cum ipso fieri, ac regnum ipsius salvum præstare vellent. Erant præterea, qui Ludovico exponerent, si Rex Tunetus

p. 461.

tanus Christianam fidem amplecti nollet, *Sæcul. XIII.*  
urbem totamque adeo regionem facillime A. C. 1270.  
in potestatem redigi posse. Addebat :  
Urbs auro, argento, & opibus immensis  
affluit, quippe a longo tempore non ca-  
pta: &, quod consequitur, Christianus  
exercitus magnas inde capiet utilitates  
ad recuperandam Palæstinam. Hanc ut  
infestam Sultanus reddat, ex illa homi-  
nes, equos, arma trahit: exsiccandus est  
fons. Sed quod hanc molitionem forsi-  
tan maxime omnium rerum persuasit, e-  
rat emolumentum Regis Siciliae Caroli,  
qui in dies expectabatur: nam Rex Tu- *Guiaſt.*  
netanus tributum ei debitum pendere o- *Duchesne*  
mittebat. *p. 165.*  
*p. 388.*

Statuto molimine Christianus exer- *Spicil.*  
citus e Calaris portu die Martis 15 Julii *p. 550. 552.*  
provectus die Jovis sequente attigit por-  
tum Tunetanum prope ruinas antiquæ  
Carthaginis. Exscensione repugnante  
nemine facta Regis copiæ castra meta-  
tæ plures cum Saracenis velitationes  
conferebant, cum advecti duo Catalauni *Duchesne*  
Equites Regi significarunt, Regem Tu- *p. 389.*  
netanum omnes Christianos milites mer-  
cede conductos jussisse comprehendendi, di-  
xisseque, se singulos plexurum capite, si  
Christianus exercitus Tunetum usque  
procederet. Sic affectus ad sanam reli-  
gionem hic Princeps erat. Interim mor-  
bi, qui copias Gallicas jam ante excen-  
tionem

Sæcul. XIII. sionem invaserant, quotidie augebantur.  
A.C. 1270. Erant potissimum febres acutæ, & dysen-

p. 391.

teria, quas victus noxius, aquæ dulcis  
penuria, intemperies aëris, climatis ca-  
lor, & anni tempus creaverant. Joannes  
Tristanus regiis e filiis Niverini Comes  
3 Aug. obiit, eumque Ludovicus Regio-  
montii humari volebat, non in S. Diony-  
sii æde, in qua Reges soli sepelirentur.

*Spicil. p. 559* Legatus Radulphus Caprarius die Jovis  
septimo ejusdem mensis animam efflavit.  
Quendam Fratrem Ordinis Prædicatorum  
suum in locum substituerat: sed plures  
Jurisconsulti castrenses dubitabant, an id  
faciendi potestatem habuerit. Philippus  
Regis filius natu maximus quartana, Rex  
ipfe alvi profluvio, deinde febri continua  
laborabat.

*Pachym. l. 5.* Jam pessime se habebat, cum Michaelis  
Palæologi Legatis aures præbuit. E-  
rant duo viri ecclesiastici, suis dignitatibus,  
meritisque propriis spectabiles. Jean-  
nes Veccus Ecclesiæ Constantinopolita-  
næ Chartophylax, & Constantinus Me-  
liteniota imperatorii Cleri Archidiacomus.  
Conscensa Valonæ navi ad Siciliæ pro-  
montorium Pachynum advecti Regem  
Franciæ ante Tunetum versari audierant.  
Eo delatos Rex quantumvis æger ad  
alloquium admisit, traditasque Impera-  
toris litteras legit, quibus hic orabat, ut  
ille Regem Siciliæ fratrem suum mitiga-  
ret,

ret, & ab inferendo Græcis bello abdu- Sæcul.XIII.  
ceret. Ludovicus suum pacis amorem A.C. 1270.  
testificatus, se, si viveret, pro viribus id  
acturum spondebat, rogans, ut interea  
quieti expectarent. At postridie ad Deum  
excessit: & Legati re infecta abierunt.

### §. VIII.

#### *S. Ludovicus filio suo salutaria dat monita.*

Rex S. Ludovicus se morti proximum  
videns Philippo filio suo natu maxi-  
mo monita præbuit sua manu scripta his  
verbis: Dilecte fili! Ante omnia tibi com-  
mendo, ut Deum toto pectore ames:  
quod ad salutem est necessarium. Cave, *Joinville*  
nequid agas, quod ei dispiceat: cave *p. 126.*  
noxam mortiferam! potius omne tormentum *Observ.*  
ti genus tibi esset sufferendum. Siquid *p. 398.*  
adversi tibi Deus immittit, æquo fer *Duchesne.*  
imo, & gratias age: cogita te id meritum,  
ac tibi bene cessurum esse! Si rem pro-  
speram tibi evenire jubet, gratias ei pa-  
lam dicio, ne pejor ex illa per arrogan-  
tiam vel alio modo fias: nec enim Dei  
dona contra ipsum vertenda sunt. Con-  
fitere crebro, ac delige conscientiæ arbi-  
trios probos doctosque, qui te, quid a-  
gendum tibi aut vitandum sit, edocere  
sciant: eisque & amicis tuis te libere car-  
pendi